

Aanaar kieldâ fysioterapia iŝeniävupalvâlusah

Iŝeniävupalvâlusah láá uáivildum aanaarláid rávisulmuid, kiäin lii hiäjusmum toimânahcâ puácuvuodâ, váádu tâi ovdánemájánem tiet. Párnái (vuálá 16 v.) iŝeniävupalvâlusâin finnee lasetiäđu fysioterapia uásáduvâst. Iŝeniävupalvâlusân kulá iŝeniävutáárbu árvuštállâm, keččâlem já kiävtu máttáattem sehe iŝeniävu kiävtu čuávum. Iŝeniävupalvâlus lii pyeccei nuuvta. Iŝeniävu jodettem lii vuosâsaajeest pyeccee ovdâsvástádâssân.

Táválumoseh jotteem já piäiváliij tooimâi iŝeniävuh luoihâttuvvojeh fysioterapeut árvuštállâm miel meriáigásii tâi juátkoo kiävtun tiervâsvuodâkuávdáá fysioterapiuásáduvâst. Tágáreh iŝeniävuh láá jotteem iŝeniävuh (om. rollaattoreh, väzzimsuábih já pyerástoovlih), hygienia iŝeniävuh (om. wc-aladâsah já riššostoovlih).

Vátávub ohtâgâslíi toimânaavcâ árvuštállâm já valjim vättee iŝeniävui, tego ulmuu loptejeijeji tâi aktiivpyerástoovlij luoihâttum váttoo táválávt tuáhtár tâi terapeut avžuuttâs. Tai iŝeniävui árvuštálmân já keččálmân värividuvoo äigi. Lasetiäđuid finnee fysioterapiuásáduvâst argâpeeivij tme 11.30 – 12.30 puh. 040 5098661.

Ohtâgâslíi kiävtun rahtum já eres persovnlíih iŝeniävuh, tego proteesih, ortopedisiih kammuh, tuuvdâsuháh, ortoosih já tahovuoptah, skáppojeih vuossâmuu keerdi ain spesiaal- tâi tiervâsvuodâkuávdáštuáhtár toohâm alguu vuáđuld. Skappum orniimist västid jo-uv spesiaalpyecceetipšo (LKS) tâi vuáđutiervâsvuodâhuolâttâs. Ovdil mainâšum iŝeniävui udâsmittum ohtâvuodâst váldoo ohtâvuodâ fysioterapia uásádâhân.

Šledgâliih jotteem iŝeniävuh já pirâshaldâšemniävuh sehe viestâdem iŝeniävuh uárnejuvvojeh Laapi kuávdášpyecceeviäsu iŝeniävuohtâduvâst. Ovdil mainâšum skappumij árvuštálmijn já vuávámijn ohtâvuotâolmožin tuáimih Laapi kuávdášpyecceeviäsu vajoidittemstivrejeijeh.

Iŝeniävui luoihâttum já macâttum hoittájeih Avveel tiervâsvuodâkuávdáá fysioterapiuásáduvâst argâpeeivij tme 11.30 – 12.30 koskâsii ääigi. Jis tun macâttah iŝeniävu eres ääigi, te fysioterapiuásáduv aulast lii loová já macâttumluámáttâh macâttum várás.

Iŝeniävui huolâttâs tiervâsvuodâkuávdáá omâstem já luoihâttum iŝeniävui uásild lii ain tuorâstuv tme 9 – 11 Avveel tiervâsvuodâkuávdáást. Huolâttemnâál iŝeniävuid kalga pyehtid fysioterapiuásádâhân ko. ääigi.

Lasetiäđuid iŝeniävui háárán tun finniih fysioterapiuásáduvâst argâpeeivij tme 11.30 – 12.30 puh. 040 5098661.